

Inatsisartut Suleruiaasianni § 33 naapertorlugu aalajangiiffigisassatut siunnersuummik uuminnga saqqummiussivugut:

Atlantikup avannaata Kalaallillu Nunaata silaannartaasa angallavigineqarnerisa allaffissornikkut aqunneqarnerata nunatsinnut nuunneqarnissaa pillugu naalagaaffeqatigiit Canadami Islandimilu oqartussanut isumaqatigiinniuteqarnissaasa aallartinneqarnissaa siunertaralugu danskit naalackersuisuinit saaffiginninnissamut Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat: Anders Olsen, Siumut, Tillie Martinussen, Demokraatit Jens-Erik Kirkegaard, Siumut, Kalistat Lund, Inuit Ataqtigiit, aamma Ane Hansen, Inuit Ataqtigiit.).

Tunngavilersuut:

Atlantikup avannaata Kalaallillu Nunaata silaannartaata ilaa maannakkut Islandimi Canadamilu silaannakkut angallannermut oqartussaasunit aqunneqartoq Sanaartornermut Ataatsimiititaliap paasivaa.

Sanaartornermut Ataatsimiititaliap paasinninnera malillugu, Naviairip Mittarfeqarfiillu suleqatigiissutigisaannik mitsitsisartumut (AFIS operatør) ilinniartitsinerup Nuummi pilersinneqarneratigut qaammataasatigullu atlantikup avannaata Kalaallillu Nunaata silaannartaanik nakkutilliinerup annertusineqarneratigut pilersaarutigineqartukkut, silaannartap ilaanik annertunerusumik allaffissornikkut aqutsineq nunani allani piunnaarluni, Nuummit aqunneqalernissaanut tunngavissaqalerpoq. Allaffissornermut tassunga annertunerusumut tunngaviuvoq, suliassamik naammassinninnermut naalagaaffeqatigiit namminneq isumaginnittussaanerat. Suliassarliuna sukumiisumik piareersagassaasoq Sanaartornermullu Ataatsimiititaliap ineriartornermut pisumut siumungaaq piareersimarussuppoq.

Tamatuma pisortanut allaffissornikkut aningaasaqarnikkullu kingunerisassat:

Isumaqatigiinniarnert il.il. Naalackersuisoqarfiup suliamik naammassinninneratigut nalinginnaasukkut iluarsivigineqarsinnaanerat ilimagineqarpoq aammalu annerpaamik ukioq naallugu sulisup qulerarterutaata atorineqarnissaa naatsorsuutigineqarluni.

Tamatuma namminersorlutik inuussutissarsiutinik ingerlatsisunut allaffissornikkut aningaasaqarnikkullu kingunissai:

Naviair A/S-ip suliffinnik allanik pilersitsinissaa siumut isigisumik ilimagineqarpoq, tamatuma attuumassutilinnik tunisassiornikkut atuuffinnillu tapersiisunik pilersitsinikkut isertitat annertusinissaannik nassataqarnissaa ilimagineqarpoq, taamatullu inuiaqatigiit akornanni aningaasat kaaviiarnerulernerannik nassataqarnissaa.

Tamatuma innuttaasunut allaffissornikkut aningaasaqarnikkullu kingunissai:

Suliffissanik allanik killilimmik amerlassusilinnik pilersitsisoqarnissaa ilimagineqarpoq.